

ERA SÈRP VOLAIRA



I auie un còp un petit pòble a on cada dia tot ère gris e engüegiu. Aquiu i demoraue Lluc, un mainatge que sauneiaue en un pòble diferent e mielhor.

Un dia, en tot caminaue peth bòsc, trapèc ua sèrp volaira que ludie damb toti es colors der arcolan.

Lluc decidic hèr volar era sèrp volaira en cèu gris deth pòble. Lancèc era sèrp volaira ar aire un còp e un aute. Tot e qu'ère dificil, non se rendic. Ath cap d'ua estona ac artenhec. Damb era sèrp volaira, eth cèu se tornèc blu e eth solei comencèc a lúder fòrça. Alavetz es abitants deth pòble gesseren a gaudir des colors.

Des d'alavetz, eth pòble ja no siguec gris, tostemp ludie damb era màgia dera sèrp volaira de colors!

Cada an, entara Hèsta Major, organizauen un Hestivau de Sèrps volaires, e eth cèu se converte en un arcolan gigant.

ERA SÈRP VOLAIRA



Premanim es paraules dificiles deth tèxte;

soniaua

organizauen

caminaua

convertie

arténher

Preguntes de comprenença orau:

1. Com ère eth pòble a on demoraue Lluc?
2. Com volie que siguesse eth sòn pòble?
3. A on trapèc era sèrp volaira Lluc?
4. Qué passè quan Lluc enlairèc era sèrp volaira?
5. Artenhec Lluc mielhorar eth pòble? Perqué?
6. ...

ES CASTANHES MAGIQUES



Un dia de tardor, Clara, en tot passejaue peth bòsc, trapèc un arbe plan especialu: er arbe des Castanhes Magiques. Aqueth castanhèr auie huelhes daurades e castanjes ludentes. Clara decidic arremassar quauques castanhes e portar-les tà casa. i castanyes brillants.

En arribar, deishèc es castanhes en ua caisha e vedec qu'es castanhes emetien ua lum doça.

Abans d'anar a dromir dauric era caisha. Quina suspresa! Es castanhes s'illuminèren, èren castanhes luminoses.

Emocionada, londeman Clara compartic era descubèrta damb es sòns amics.

Des d'alavetz, er Arbe des Castanhes Magiques siguec plan visitat. Es mainatges e mainades i anauen a arremassar castanhes ludentes e decidiren que les meterien en arbe de Nadau dera plaça deth pòble. Atau ac heren e siguec er arbe mès polit e luminós de tot eth parçan.

ES CASTANHES MAGIQUES



Premanim es paraules dificiles deth tèxte.

passejaue

emocionada

especiau

meterien

illuminar

Preguntes de comprenença orau:

1. Qué auie d'especiau er arbe que trapèc Clara?
2. A on deishèc es castanhes qu'arremassèc der arbre?
3. Damb qué se trapèc quan dauric era caisha?
4. Crees qu'aqueres castanhes servien entà hèr era Castanhada? Perqué?
5. Entà qué s'emplegueren es castanhes?
6. ...

COM HÈR ES NÒSTI GELATS

Quan non vam tara escòla auem temps entà premanir es nòsti gelats en casa. Ac voletz sajar? Vam!

Ingredients:

chuc d'iranja

1 kiwi

200 grams d'ahragues

Airines de besonh

1 culhèra

1 bòl

mòtles de gelats

paus de gelat

1 guinhauet



Passi:

- 1- Prumèr demana a un adult que t'ajude.
- 2- Laua suenhosament es ahragues e pela es kiwis o ua auta fruta que te shaute.
- 3- Talhuca es frutes a bocins petiti damb fòrça suenh.
- 4- En un bòl, barreja eth chuc d'iranja damb es bocins des frutes.
- 5- Vessa era barreja en mòtles entà gelats. S'ei de besonh, ten ua culhèra.
- 6- Met es mòtles en congelador.

Va, llegim!

7- Dempús d'ues ores, es tòns gelats de frutes seran prèsti tà minjar!

Ja pòs convidar as tòns amics e amigues a un deliciós e sanitós gelat en ua tarde d'ostiu.

COM HÈR ES NÒSTI GELATS



Premanim es paraules dificiles deth tèxte.

ingredients	congelador
de besonh	sanitós
suenhosament	prèsti

Preguntes de comprenença orau:

1. Guairi ingredients as de besonh entà hèr gelats?
2. E guaires airines diferentes as de besonh?
3. Guaires auetz d'èster ena codina entà hèr es gelats?
4. Ordena es passi entà hèr eth gelat:
 - barrejar
 - lauar
 - talhucar
 - vessar
 - congelar
5. Damb quines frutes haries eth gelat que mès te shaute?
6. ...

ER ATRAPASAUNEIS



En un petit pòble i auie ua mainada que s'aperaue Sofia e tot soent pera net auie mausòns. Era sua mair-sénher li regalèc un atrapasauneis e le didec:

- Agust atrapasauneis atraparà es mausòns, es sauneis dolents, e deisharà qu'ages sonque sauneis erosi e divertits.

Sofia pengèc er atrapasaunis apròp deth sòn lhet e, aqueth ser, passèc ua causa magica. Era atrapasauneis comencèc a lúder damb lums doces e a virar a plaser. Es mausòns se quedauen atrapats en hilat, en tot qu'es sauneis boni flotauen doçament enquiara mainada.

Des d'aqueth dia, Sofia tostep auie nets de sauneis erosi e emocionantes aventures. Era e era sua mair-sénher, arregraïdes peth poder der atrapasauneis, compartiren era sua experiéncia damb era gent deth pòble. Lèu, en cada casa i auie atrapasauneis. E atau, era sua magia hèc que toti es abitants deth pòble tostep auessen sauneis erosi.

ER ATRAPASAUNEIS



Premanim es paraules dificiles deth tèxte.

atrapasauneis

aventures

atraparà

experiència

emocionants

Preguntes de comprença orau:

1. Qué li passaue a Sofia pes nets?
2. E tu, as auut mausòns? Ne rebrembes bèth un?
3. Quin present li hec era sua mair-sénher?
4. Qué hège er atrapasauneis pes nets?
5. Er atrapasauneis ajudèc a Sofia? Perqué?
6. A qui mès ajudèren es atrapasauneis?
7. ...

ES CALHAUS D'ARRIU



Bèth còp vos auetz demanat d'a on vien es pèires redones, e lises que trapam enes arrius e ath cant dera mar? Bona pregunta... Aciu auetz era responsa.

Enes montanhes a on neishen es arrius i a granes ròques. Era ploja e eth solei trabalhen amassa entà esquiçar-les e trincar-les.

Era aigua que cor montanha enjós rossegue aquestes pèires. En sòn viatge per arriu van pataquejant es ues damb es autes, se van apetitint e polint. Semble qu'es pèires jòguen a rotlar e arredonir-se peth camin.

Ei atau com se formen es calhaus que trapam en lhet des arrius e en bères plages. Prumèr èren ròques, dempús pèires e ara son calhaus, arredonits, suaus e lisi. Ei eth long viatge ue hèn era aigua des arrius e es pèires, en tot hèn camin des des montanhes enquia qu'arriben ena mar.

ES CALHAUS D'ARRIU



Premanim es paraules dificiles deth tèxte.

esquiçar-les	arredonir-se
rossegue	arredonits
apetitir	

Preguntes de comprenença orau:

1. As cuelhut bèth viatge pèires arredonides en lhet d'un arriu o ena plaja?
Qué n'as hèt?
2. D'a on vien?
3. Ordena eth camin que hèn es pèires entà èster calhaus.
 Bèri calhaus se trapan ath cant des arrius, d'agues arriben ena mar e les trapam enes plages.
 Enes montanhes i a granes ròques. Era ploja e eth solei les trinquen.
 Era aigua des arrius, en sòn long camin enquiara mar, rossègue es pèires, en ot tornar-se petites e arredonides.
4. ...

CADA DIA EI UN PRESENT



En aquesta planeta Tèrra ena quau demoram, i a ua hada nomentada Auròra que se desvelhe cada dia damb un gran arridolet.

Un maitin, quan dauric es sòns uelhs ludenti, descorbic qu'ath sòn entorn tot ère plen de meravelhes: era aigua des arrius corrie rapida enquiara mar, es auderons cantauen cançons alègres e es parpalhòles dançauen ath cant des flors.

Era hada e es sòns amics, decidiren hèr un listrat de petites causes que hèn de cada dia un dia especiau: ua caterineta que puge peth dit, un cadèth acabat de néisher, un arrosèr florit...

Era hada Auròra expliquèc qu'ei bon gaudir de cada moment, coma se siguesse un polit present.

Atau ei qu'auem de rebrembar que cada dia ei un present que mos aufrís era vida. E s'í èm atentius tanben descorbiram causes geniaus.

CADA DIA EI UN PRESENT



Premanim es paraules dificiles deth tèxte.

nomentada

meravelhes

descobriram

Preguntes de comprenença orau:

1. Com se desvelhe cada dia era hada Auròra?
2. E tu, com te desvelhes?
3. Quines meravelhes descorbic era hada Auròra que tu tanben as vist?
4. Era hada Auròra, qué mos ditz qu'auem de rebrembar?
5. Entà tu, qué aurie de passar entà qu'un dia sigue geniau?
6. ...